

Matumuuna Parti Naleraq Inatsisartut suleriaasianni § 52 naapertorlugu Aalisarnermut Piniarnermut Nunalerinermullu Naalakkersuisumik tatiginninnginnermik saqummiussivugut.

§ 52 Oqaluuserisassamut tullermit ingerlaqqittoqarnissaanik siunnersuut tunngavilersuummigut Naalakkersuisunik imaluunniit Naalakkersuisunut ilaasortamik tatiginninnginnermik tunngaveqartinneqarpat siunnersuut taamaattoq aatsaat oqaluuserineqartumut pissusissamisoortumik attuumassuteqaruni oqaluuserineqarsinnaavoq.

Piniarnek Aallaaniarnerlu pillugit Inatsisartut inatsisissaattut siunnersuut suliarineqartoq maanna Aalisarnermut Piniarnermut Nunalerinermullu Ataatsimiititaliap isumaliutissiissusiorfigaa. Ataatsimiititaliap isumaliutissiissutaani oqaatsit imaattut issuaaffigisavakka:

Issuaaneq aallartippoq:

” 5.1 Ataatsimiititaliap inerniliinera

Ataatsimiititaliap suliamik ingerlatsinermini Aalisarnermut Piniarnermut Nunalerinermullu Naalakkersuisoq inatsisissaq pillugu siunersioqatigaa. Inatsisissami allannguutissat aaqqitassallu pillugit ataatsimiititaliap piumasaqaatai Naalakkersuisup aaqqissallugit neriorsuutigisimasai Suliarineqarsimangillat. Taamaalilluni inatsisissaq pillugu ataatsimiititaliap sulinera inatsisissamillu suliaqarnermini ingerlatsiniarnera innarlemeqarpoq. Inatsisissap aaqqitassartaqaqisup piffissaaruffigineqarneranik kinguneqartumik.

Inatsisissatut siunnersuut ilusimisut iluseqartoq ilusimisut iluseqartillugu suliarineqarnerata ingerlateqqinneqarnissaa tulluanngitsoq Ataatsimiititaliaq isumaqatigiittoq naliliivoq. Taamaatlumik siunnersuutip itigartitsissutigineqarnissaa ataatsimiititaliap inassutigaa.”

Issuaaneq naavoq.

Ataatsimiititaliap isumaliutissiissummini uppersarpaa Naalakkersuisunut ilaasortap pineqartoq Inatsisartut inatsisaat nr. 6, 13 maj 1993-imeersoq naapertorlugu inatsimmi § 6. unioqqukkkaa.

Inatsisartut inatsisaat issuaavigaara:

”§6. Naalakkersuisunut ilaasorta § 10 naapertorlugu pineqaatissinneqassaaq piaaraluni imaluunniit mianersuaalliorujussuarnermigut Inatsisartut Naalakkersuisullu pillugit Inatsisartut inatsisaat inatsisilluunniit allat malillugit imaluunniit atorfimmi suunera malillugu imminut pisussaaffigisassanngortitaasut malillugit iliunngikkuni.”

Issuaaneq naavoq.

Naalakkersuisoq pineqartoq Inatsisartut Ataatsimiititaliaannut aaqqitassamisut neriorsuutiminik naammassinnissimangilaq suliaqarsimanani. Naalakkersuisoq ataatsimiititaliap piumasaqaataanik suliaqarsimangilaq. Taamaalilluni Naalakkersuisup inatsisissaq pillugu ataatsimiititaliap sulinera inatsisissamillu ataatsimiititaliap suliaqarnera ingerlatsiniarneralu innarlemeqartoq ataatsimiititaliaq nalunaarpoq. Naalakkersuisup pisussaaffimminik naammassinninnginnera Piniarnek Aallaaniarnerlu pillugit

Inatsisartut inatsisissaata aaqqitassartaqaqisup ataatsimiititaliamiit piffissaaruffigineqarneranik kinguneqartumik.

Taamak tunngavilersuuteqarluta Aalisarnermut Piniarnermut Nunalerinermullu Naalakkersuisoq tatiginninnginnermik saqqummiivigaarput.